





尚書卷下

周書

泰誓上

惟十有三年春大會于孟
津。王曰。嗟我友邦冢君。越
我御事庶士。明聽誓。惟天



地萬物父母。惟人萬物之
靈。亶聰明作元后。元后作
民父母。今商王受弗敬上
天。降災下民。沈湎冒色。敢
行暴虐。罪人以族。官人以
世。惟宮室臺榭陂池侈服。

以殘害于爾萬姓。焚炙忠

良。剝

枯

剔孕

因去聲

婦。皇天

震怒。命我文考肅將天威。
大勲未集。肆予小子發。以
爾友邦冢君。觀政于商。惟
受罔有悛心。乃夷居弗事。

尚書卷下
上帝神祇。遺厥先宗廟弗
祀。犧牲粢盛既于凶盜。乃
曰。吾有民有命。罔懲其侮。
天佑下民。作之君。作之師。
惟其克相上帝。寵綏四方。
有罪無罪。予曷敢有越厥

志。同力度德。同德度義。受
有臣億萬。惟億萬心。予有
臣三千。惟一心。商罪貫盈。
天命誅之。予弗順天。厥罪
惟鈞。予小子夙夜祇懼。受
命文考。類于上帝。宜于冢

尚書卷下
三
土。以爾有衆底天之罰。天
矜于民。民之所欲。天必從
之。爾尚弼予一人。永清四
海。時哉弗可失。

泰誓中

惟戊午。王次于河朔。羣后

以師畢會。王乃徇師而誓。
曰。嗚呼。西土有衆。咸聽朕
言。我聞吉人為善。惟日不
足。凶人為不善。亦惟日不
足。今商王受。力行無度。播
棄犂耜。昵比罪人。淫酗肆

虐。臣下化之。朋家作仇。脅
權相滅。無辜籲喻天。穢德
彰聞。惟天惠民。惟辟奉天。
有夏桀弗克。若天流毒下
國。天乃佑命成湯。降黜夏
命。惟受罪浮于桀。剥喪元

良賊。虐諫輔。謂已有天命。
謂敬不足行。謂祭無益。謂
暴無傷。厥監惟不遠。在彼
夏王。天其以予乂民。朕夢
協朕卜。襲于休祥。戎商必
克。受有億兆夷人。離心離

尚書卷下
五
德。予有亂臣十人。同心同
德。雖有周親。不如仁人。天
視自我民視。天聽自我民
聽。百姓有過。在予一人。今
朕必往。我武惟揚。侵于之
疆。取彼凶殘。我伐用張。于
湯有光。勛哉夫子。罔或無
畏。寧執非敵。百姓懍懍。凜
若崩厥角。嗚呼。乃一德一
心。立定厥功。惟克永世。

泰誓下

時厥明。王乃大巡六師。明

尚書卷下
六
誓衆士。王曰。嗚呼。我西土
君子。天有顯道。厥類惟彰。
今商王受。狎侮五常。荒怠
弗敬。自絕于天。結怨于民。
斲側畧朝涉之脛。戶定切剖
賢人之心。作威殺戮。毒痛

敷四海。崇信女姦回。放黜師
保。屏棄典刑。囚奴正士。郊
社不修。宗廟不享。作竒技
淫巧。以悅婦人。上帝弗順。
祝降時喪。爾其孜孜奉予。
一人恭行天罰。古人有言

曰。撫我則后。虐我則讎。獨
夫受洪。惟作威。乃汝世讎。
樹德務滋。除惡務本。肆予
小子。誕以爾衆士。殄殲乃
讎。爾衆士其尚迪。果毅以
登。乃辟。功多有厚賞。不迪

有顯戮。嗚呼。惟我文考。若
日月之照臨。光于四方。顯
于西土。惟我有周。誕受多
方。予克受。非予武。惟朕文
考無罪。受克予。非朕文考
有罪。惟予小子無良。

尚書卷下
牧誓

時甲子昧爽。王朝至于商郊。牧野。乃誓。王左杖黃鉞。右秉白旄。以麾。曰。逖矣。西土之人。王曰。嗟。我友邦冢君。御事。司徒。司馬。司空。亞

旅。師氏。千夫長。百夫長。及庸。蜀。羌。髳。子。微。盧。彭。濮。卜人。稱爾戈。比爾干。立爾矛。予其誓。王曰。古人有言曰。牝貧上聲雞無晨。牝雞之晨。惟家之索。桑入聲今商王受。

惟婦言是用。昏棄厥肆祀
弗答。昏棄厥遺王父母弟
不迪。乃惟四方之多罪逋
逃。是崇是長。是信是使。是
以為大夫卿士。俾暴虐于
百姓。以姦宄于商邑。今予

發。惟恭行天之罰。今日之
事。不愆于六步七步。乃止
齊焉。夫子勗哉。不愆于四
伐。五伐。六伐。七伐。乃止齊
焉。勗哉夫子。尚桓桓如虎
如貔。皮如熊如羆于商郊。

尚書卷十
弗迓克奔。以役西土。勛哉夫子。爾所弗勛。其于爾躬有戮。

武成

惟一月壬辰。旁死魄。越翼日癸巳。王朝步自周。于征

伐商。底商之罪。告于皇天后土。所過名山大川。曰惟有道。曾孫周王發。將有大正于商。今商王受無道。暴殄天物。害虐烝民。為天下逋逃主。萃淵藪。予小子既

獲仁人。敢祗承上帝以遏
亂略。華夏蠻貊罔不率俾。
惟爾有神。尚克相予以濟
兆民。無作神羞。既戊午。師
逾孟津。癸亥。陳于商郊。俟
天休命。甲子。昧爽。受率其

旅若林。會于牧野。罔有敵
于我師。前徒倒戈。攻于後
以北。血流漂杵。一戎衣。天
下大定。乃反商政。政由舊。
釋箕子囚。封比干墓。式商
容閭。散鹿臺之財。發鉅橋

之粟。大賚于四海。而萬姓
悅服。厥四月。哉生明。王來
自商。至于豐。乃偃武修文。
歸馬于華山之陽。放牛于
桃林之野。示天下弗服。既
生魄。庶邦冢君暨百工受

命于周。丁未。祀于周廟。邦
甸侯衛駿奔走。執豆籩。越
三日庚戌。柴望。大告武成。
王若曰。嗚呼。群后。惟先王
建邦啓土。公劉克篤前列。
至于大王肇基王迹。王季

其勤王家。我文考文王克
成厥勲。誕膺天命。以撫方
夏。大邦畏其力。小邦懷其
德。惟九年。大統未集。予小
子其承厥志。恭天成命。肆
予東征。綏厥士女。惟其士

女。篚厥玄黃。昭我周王。天
休震動。用附我大邑周。列
爵惟五。分土惟三。建官惟
賢。位事惟能。重民五教。惟
食。喪祭。惇信。明義。崇德。報
功。垂拱而天下治。

洪範

惟十有三祀。王訪于箕子。
王乃言曰。嗚呼。箕子。惟天
陰隲七逸反下民。相協厥居。
我不知其彛倫攸叙。箕子
乃言曰。我聞在昔。鯀殛因

洪水。汨陳其五行。帝乃震
怒。不畀洪範九疇。彛倫攸
斁。姤鯀則殛死。禹乃嗣興。
天乃錫禹洪範九疇。彛倫
攸叙。初一曰五行。次二曰
敬用五事。次三曰農用八

政次四。曰協用五紀。次五。曰建用皇極。次六。曰乂用三德。次七。曰明用稽疑。次八。曰念用庶徵。次九。曰嚮用五福。威用六極。一五行。一曰水。二曰火。三曰木。四

曰金。五曰土。水曰潤下。火曰炎上。木曰曲直。金曰從革。土爰稼穡。穡潤下作鹵。炎上作苦。曲直作酸。從革作辛。稼穡作甘。二五事。一曰貌。二曰言。三曰視。四曰聽。

五曰思。貌曰恭。言曰從。視曰明。聽曰聰。思曰睿。恭作肅。從作乂。明作摠。聰作謀。睿作聖。三八政。一曰食。二曰貨。三曰祀。四曰司空。五曰司徒。六曰司寇。七曰賓。

八曰師。四五紀。一曰歲。二曰月。三曰日。四曰星辰。五曰曆數。五皇極。皇建其有極。歛時五福。用敷錫厥庶民。惟時厥庶民于汝極。錫汝保極。凡厥庶民無有淫。

朋人無有比德。惟皇作極。凡厥庶民。有猷。有為。有守。汝則念之。不協于極。不罹離平于咎。皇則受之。而康而色。曰予攸好德。汝則錫之福。時人斯其惟皇之極。

無虐禬瓊獨而畏高明。人之有能有為。使羞其行。而邦其昌。凡厥正人。既富方穀。汝弗能使有好于而家。時人斯其辜。于其無好德。汝雖錫之福。其作汝用咎。

無偏無陂。

去聲。

遵王之義。無

有作好。遵王之道。無有作

惡。遵王之路。無偏無黨。王

道蕩蕩。無黨無偏。王道平

乎。無反無側。王道正直。會

其有極。歸其有極。曰。皇極

之敷言。是彝是訓。于帝其

訓。凡厥庶民。極之敷言。是

訓。是行。以迓天子之光。曰。

天子作民父母。以為天下

王。六三德。一曰正直。二曰

剛克。三曰柔克。平康正直。

彊弗友剛克。爨先入聲友柔

克。沈潛剛克。高明柔克。惟

辟作福。惟辟作威。惟辟玉

食。臣無有作福作威。玉食。

臣之有作福作威。玉食。其

害于而家。凶于而國。人用

側頗坡僻。民用僭忒。七稽

疑。擇建立卜筮人。乃命卜

筮。曰雨。曰霽。曰蒙。曰驛。曰

克。曰貞。曰悔。凡七。卜五。占

用二。衍忒。立時人作卜筮。

三人占。則從二人之言。汝

則有大疑。謀及乃心。謀及
卿士。謀及庶人。謀及卜筮。
汝則從。龜從。筮從。卿士從。
庶民從。是之謂大同。身其
康。彊。子孫其逢吉。汝則從。
龜從。筮從。卿士逆。庶民逆。

吉。卿士從。龜從。筮從。汝則
逆。庶民逆。吉。庶民從。龜從。
筮從。汝則逆。卿士逆。吉。汝
則從。龜從。筮逆。卿士逆。庶
民逆。作內吉。作外凶。龜筮
共違于人。用靜吉。用作凶。

八庶徵。曰雨。曰暘。曰燠。曰隩。

曰寒。曰風。曰時。五者來備。

各以其叙。庶草蕃廡。侮一

極備。凶。一極無。凶。曰休徵。

曰肅。時雨若。曰乂。時暘若。

曰哲。時燠若。曰謀。時寒若。

曰聖。時風若。曰咎徵。曰狂。

恒雨若。曰僭。恒暘若。曰豫。

恒燠若。曰急。恒寒若。曰蒙。

恒風若。曰王省。惟歲。卿士。

惟月。師尹。惟日。歲月。日時。

無易。百穀用成。乂用明。俊。

民用章。家用平康。日月歲
時既易。百穀用不成。又用
昏不明。俊民用微。家用不
寧。庶民惟星。星有好風。星
有好雨。日月之行。則有冬
有夏。月之從星。則以風雨。

九五福。一曰壽。二曰富。三
曰康寧。四曰攸好德。五曰
考終命。六極。一曰凶短折。
二曰疾。三曰憂。四曰貧。五
曰惡。六曰弱。

旅獒

惟克商。遂通道于九夷八蠻。西旅底貢。厥燹太保乃作旅。燹用訓于王。曰。嗚呼。明王慎德。四夷咸賓。無有遠邇。畢獻方物。惟服食器用。王乃昭德之。致于異姓。

之邦。無替厥服。分寶玉于伯叔之國。時庸展親。人不易物。惟德其物。德盛不聲狎侮。狎侮君子。罔以盡人心。狎侮小人。罔以盡其力。不役耳目。百度惟貞。玩人

喪德。玩物喪志。志以道寧。
言以道接。不作無益。害有
益。功乃成。不貴異物。賤用
物。民乃足。犬馬非其土性。
不畜。珍禽竒獸。不育于國。
不寶遠物。則遠人格。所寶

惟賢。則邇人安。嗚呼。夙夜
罔或不勤。不矜細行。終累
大德。為山九仞。功虧一簣。
允迪茲生。民保厥居。惟乃
世王。

金滕

尚書卷下
既克商二年。王有疾弗豫。
二公曰。我其為王穆卜。周
公曰。未可以戚我先王。公
乃自以為功。為三壇同墠。
為壇於南方北面。周公立
焉。植璧秉珪。乃告太王。王

季文王。史乃冊祝曰。惟爾
元孫某。溝厲虐疾。若爾三
王。是有丕子之責于天。以
旦代某之身。予仁若考。能
多材多藝。能事鬼神。乃元
孫不若。旦多材多藝。不能

尚書卷下
事鬼神。乃命于帝庭。敷佑四方。用能定爾子孫于下地。四方之民罔不祇畏。嗚呼。無墜天之降寶命。我先王亦永有依歸。今我即命于元龜。爾之許我。我其以

璧與珪歸侯。爾命。爾不許我。我乃屏璧與珪。乃卜三龜。一習吉。啓籥藥見書。乃并是吉。公曰。體。王其罔害予小子。新命于三王。惟永終是圖。茲攸侯。能念于一

尚書卷下
人。公歸。乃納冊于金縢之
匱中。王翼日乃瘳。武王既
喪。管叔及其群弟乃流言
於國曰。公將不利於孺子。
周公乃告二公曰。我之弗
辟。我無以告我先王。周公

居東二年。則罪人斯得。于
後。公乃為詩以貽王。名之

曰鴟鴞。王亦未敢誚

樵去聲

公。秋大孰。未獲。天大雷電。
以風。禾盡偃。大木斯拔。邦
人大恐。王與大夫盡弁以

啓金縢之書。乃得周公所
自以為功。代武王之說。二
公及王。乃問諸史與百執
事。對曰。信。噫。公命。句我勿
敢言。王執書以泣。曰。其勿
穆卜。昔公勤勞王家。惟予

冲人弗及知。今天動威以
彰周公之德。惟朕小子其
新逆。我國家禮亦宜之。王
出郊。天乃雨。反風。禾則盡
起。二公命邦人。凡大木所
偃。盡起而築之。歲則大熟。

尚書卷下
二十九
大誥

王若曰。猷。大誥爾多邦。越

爾御事。弗弔。

如字。

天降割于

我家不少延。

句。

洪惟我幼

冲人。嗣無疆。大歷服。弗造

哲。迪民康。矧曰其有能格

知天命。已。予惟小子。若涉

淵水。予惟往求朕攸濟。敷

賁。

彼義反。

敷前人受命。茲不

忘大功。予不敢閉于天降

威用。寧王遺我大寶龜。紹

天明。即命曰。有大艱于西

尚書卷下
三十
土。西土人亦不靜。越茲蠢。殷小腆。誕敢紀其叙。天降威。知我國有疵。民不康。曰。予復反鄙我周邦。今蠢。今翼日。民獻有十夫。予翼以于救寧武。圖功。我有大事。休。朕卜并吉。肆予告我友邦君。越尹氏庶士御事曰。予得吉卜。予惟以爾庶邦于伐殷。逋播臣。爾庶邦君。越庶士御事罔不反曰。艱大。民不靜。亦惟在王宮邦。

君室。越予小子。考翼不可
征。王害。曷不違卜。肆予冲
人。永思艱。曰。嗚呼。允蠢鯨
寡哀哉。予造天役。遺大投
艱于朕身。越予冲人不印
自恤。義爾邦君。越爾多士

尹氏御事。綏予曰。無毖。秘
于恤。不可不成。乃寧。考圖
功。已。予惟小子。不敢替上
帝命。天休于寧王。興我小
邦。周寧王。惟卜用。克綏受
茲命。今天其相民。矧亦惟

卜用。嗚呼。天明畏。弼我不
丕基。王曰。爾惟舊人。爾不
克遠省。爾知寧王若勤哉。
天閔秘。忝我成功。所予不
敢不極。卒寧王圖事。肆予
大化。誘我友邦君。天棐匪

忱辭。其考我民。予曷其不
于前寧人圖功。攸終。天亦
惟用勤。忝我民。若有疾。予
曷敢不于前寧人攸受休
畢。王曰。若昔朕其逝。朕言
艱日思。若考作室。既底法。

厥子乃弗肯堂。矧肯構。厥
父菑。緇厥子乃弗肯播。矧
肯穫。厥考翼其肯曰。予有
後弗棄基。肆予曷敢不越
卬。救寧王大命。若允考。乃
有友伐厥子。民養其勸。弗

救。王曰。嗚呼。肆哉。爾庶邦
君。越爾御事。爽邦由哲。亦
惟十人。迪知上帝命。越天
棐忱。爾時罔敢易法。矧今
天降戾于周邦。惟大艱人。
誕鄰胥伐于厥室。爾亦不

尚書卷下
知天命不易。予永念曰。天
惟喪殷。若穡夫。予曷敢不
終朕畋。天亦惟休于前寧
人。予曷其極卜。敢弗于從。
率寧人有指疆土。矧今卜
并吉。肆朕誕以爾東征。天

命不僭。卜陳惟若茲。

微子之命

王若曰。猷。殷王元子。惟稽
古崇德。象賢。統承先王。修
其禮物。作賓于王家。與國
咸休。永世無窮。嗚呼。乃祖

成湯克齊聖廣淵皇天眷
佑誕受厥命撫民以寬除
其邪虐功加于時德垂後
裔爾惟踐修厥猷舊有令
聞恪慎克孝肅恭神人予
嘉乃德曰篤不忘上帝時

歆下民祗協庸建爾于上
公尹茲東夏欽哉往敷乃
訓慎乃服命率由典常以
蕃王室弘乃烈祖律乃有
民永綏厥位毗皮予一人
世世享德萬邦作式俾我

有周無斁。亦嗚呼。往哉。惟
休。無替朕命。

康誥

惟三月哉。生魄。周公初基
作新大邑于東國洛。四方
民大和會。侯甸男邦采衛

百工播民和。見士于周。周
公咸勤。乃洪大誥治。王若
曰。孟侯。朕其弟。小子封。惟
乃丕顯考文王。克明德慎
罰。不敢侮鰥寡。庸庸。祗祗。
威威。顯民。用肇造我區夏。

越我一二邦以修我西土
惟時怙冒聞于上帝帝休
天乃大命文王殪移去聲戎
殷誕受厥命越厥邦厥民
惟時敘乃寡兄勗肆汝小
子封在茲東土王曰嗚呼

封汝念哉今民將在祗適
聿乃文考紹聞衣德言往
敷求于殷先哲王用保乂
民汝丕遠惟商耆成人宅
心知訓別求聞由古先哲
王用康保民弘于天若德

裕乃身不廢在王命。王曰。嗚呼。小子封。恫通瘵。鰥乃身。敬哉。天畏棐忱。民情大可見。小人難保。往盡乃心。無康好逸。豫乃其乂。民我聞曰。怨不在大。亦不在小。

惠不惠。懋不懋。已。汝惟小子。乃服惟弘王。應保殷民。亦惟助王。宅天命。作新民。王曰。嗚呼。封。敬明乃罰。人有小罪。非青。乃惟終。自作不典。式爾。有厥罪小。乃不

尚書卷下
可不殺。乃有大罪。非終。乃惟青災。適爾。既道極。厥辜。時乃不可殺。王曰。嗚呼。封。有叙。時乃大明服。惟民其勅懋和。若有疾。惟民其畢棄咎。若保赤子。惟民其康。

又。非汝封。刑人殺人。無或刑人殺人。非汝封。又曰。劓藝劓餌人。無或劓劓人。王

曰。外事。汝陳。時臬。司師茲殷罰。有倫。又曰。要囚。服念五六日。至于旬時。丕殺要。

囚。王曰。汝陳時臬事。罰蔽
殷彛。用其義刑。義殺。勿庸
以次。汝封。乃汝盡遜。曰。時
叙。惟曰。未有遜事。已。汝惟
小子。未其有若汝封之心。
朕心。朕德。惟乃知。凡民自

得罪。寇攘姦宄。殺越人于

貨。瞽敏不畏死。罔弗慙。

隊

王曰。封。元惡大慙。矧惟不

孝不友。子弗祗服。厥父事。

大傷。厥考心。于父不能字。

厥子。乃疾厥子。于弟弗念。

尚書卷十一
天顯。乃弗克恭。厥兄。兄亦
不念。鞠子哀。大不友于弟。
惟弔。的茲。不于我政。人得
罪。天惟與我民。彝大泯亂。
曰。乃其速。由文王作罰。刑
茲無赦。不率大戛。矧惟外

庶子訓人。惟厥正人。越小
臣諸節。乃別播敷。造民大
譽。弗念弗庸。瘵厥君。時乃
引惡。惟朕慙已。汝乃其速
由茲義。率殺亦惟君。惟長
不能厥家人。越厥小臣外

尚書卷下
正。惟威惟虐。大放王命。乃
非德用乂。汝亦罔不克敬
典。乃由裕民。惟文王之敬
忌。乃裕民。曰。我惟有及。則
予一人以懌。王曰。封。爽惟
民迪吉康。我時其惟殷先

哲王德用康乂民。作求矧
今民罔迪不適。不迪則罔
政在厥邦。王曰。封。予惟不
可不監。告汝德之說。于罰
之行。今惟民不靜。未戾厥
心。迪屢未同。爽惟天其罰

殛我。我其不然。惟厥罪無
在大。亦無在多。矧曰其尚
顯聞于天。王曰。嗚呼。封。敬
哉。無作怨。勿用非謀。非彛。
蔽時忱。丕則敏德。用康乃
心。顧乃德遠。乃猷裕。乃以

民寧。不汝瑕殄。王曰。嗚呼。
肆汝小子封。惟命不于常。
汝念哉。無我殄享。明乃服
命。高乃聽。用康乂民。王若
曰。往哉。封。勿替敬典。聽朕
告。汝乃以殷民世享。

尚書卷一
酒誥

王若曰。明大命于妹邦。乃穆考文王。肇國在西土。厥誥。苾庶邦庶士。越少正御事。朝夕曰。祀茲酒。惟天降命。肇我民。惟元祀。天降威。

我民用大亂。喪德。亦罔非酒。惟行。越小大邦。用喪。亦罔非酒。惟辜。文王誥教小子。有正有事。無彝酒。越庶國。飲惟祀。德將無醉。惟曰。我民迪小子。惟土物愛。厥

心臧聰聽祖考之彛訓。越
小大德。小子惟一。妹土。嗣
爾股肱。純其藝黍稷。奔走
事厥考厥長。肇牽車牛。遠
服賈。用孝養厥父母。厥父
母慶。自洗先上聲腆。致用酒。

庶士有正。越庶伯君子。其
爾典聽朕教。爾大克羞者。
惟君。爾乃飲食醉飽。丕惟
曰。爾克永觀省。作稽中德。
爾尚克羞饋祀。爾乃自介
用逸。茲乃允惟王正事之。

臣。茲亦惟天。若元德。永不
忘在王家。王曰。封我西土
棐。祖邦君。御事小子。尚克
用文王教。不腆于酒。故我
至于今。克受殷之命。王曰。
封我聞。惟曰。在昔殷先哲。

王。迪畏天。顯小民。經德秉
哲。自成湯。咸至于帝乙。成
王畏相。惟御事。厥棐有恭。
不敢自暇自逸。矧曰其敢
崇飲。越在外服。侯甸男衛。
邦伯。越在內服。百僚庶尹。

惟亞。惟服宗工。越百姓里
 居。罔敢湏于酒。不惟不敢。
 亦不暇。惟助成王德顯。越
 尹人祗辟。我聞亦惟曰。在
 今後嗣王。酣身厥命。罔顯
 于民。祗保越。怨不易。誕惟

厥縱淫佚于非彝。用燕喪

威儀。民罔不盡許力切傷心。

惟荒腆于酒。不惟自息。乃

逸。厥心疾很。不克畏死。辜

在商邑。越殷國滅無罹。弗

惟德馨香祀登聞于天。誕

惟民怨。庶羣自酒腥聞在
 上。故天降喪于殷。罔愛于
 殷。惟逸。天非虐。惟民自速
 辜。王曰。封。予不惟若茲多
 誥。古人有言曰。人無於水
 監。當於民監。今惟殷墜厥

命。我其可不。大監撫于時。

予惟曰。汝劼苦八切。毖殷獻

臣。侯甸男衛矧。太史友。內

史友。越獻臣百宗工。矧惟

爾事。服休服采。矧惟若疇。

圻圻與畿同。父薄。違農父若保。

尚書卷下
五
宏父定辟。辟矧汝剛制于酒。厥或誥曰。羣飲。汝勿佚。逸盡。執拘以歸于周。予其殺。又惟殷之迪。諸臣惟工。乃酒于酒。勿庸殺之。姑惟教之。有斯明享。乃不用我教辭。惟我一人弗恤。弗蠲乃事。時同于殺。王曰。封。汝典聽朕。罔勿辯。乃司民酒于酒。

梓材

王曰。封。以厥庶民暨厥臣。

尚書卷下
達大家。以厥臣達王。惟邦君。汝若恒越。曰。我有師師。司徒。司馬。司空。尹。旅。曰。予罔厲殺人。亦厥君先敬勞肆。徂厥敬勞。肆往姦宄。殺人。歷人宥。肆亦見厥君事。

戕

牆

敗人宥。王啓監。厥亂

為民。曰。無胥戕。無胥虐。至于敬寡。至于屬。燭婦。合由以容。王其效邦君。越御事。厥命曷以。引養引恬。自古王若茲。監罔攸辟。惟曰。若

稽田。既勤敷菑，惟其陳修。

為厥疆畎。消上聲若作室家。

既勤垣墉，惟其塗墍。希去聲

茨。若作梓材，既勤樸斲。

卓惟其塗丹雘。霍今王惟

曰：先王既勤用明德，懷為

夾庶邦，享作兄弟，方來亦

既用明德。后式典，集庶邦

丕享。皇天既付中國，民越

厥疆土于先王。肆王惟德

用，和懌先。去聲後迷民，用懌

先王受命。已若茲監，惟曰

欲至于萬年。惟王子子孫
孫永保民。

召誥

惟二月既望。越六日乙未。
王朝步自周。則至于豐。惟
太保先周公相宅。越若

太保先

去聲

周公相宅。越若

來三月。惟丙午朏。匪越三
日戊申。太保朝至于洛。卜
宅。厥既得卜。則經營。越三
日庚戌。太保乃以庶殷攻
位于洛汭。越五日甲寅。位
成。若翼日乙卯。周公朝至

于洛。則達觀于新邑。營。越
三日丁巳。用牲于郊。牛二。
越翼日戊午。乃社于新邑。
牛一。羊一。豕一。越七日甲
子。周公乃朝。用書命庶殷。
侯。甸。男。邦。伯。厥既。命庶庶。

庶殷丕作。太保乃以庶邦
冢君出取幣。乃復入錫周
公。曰。拜手稽首。旅王若公。
誥告庶殷。越自乃御事。嗚
呼。皇天上帝。改厥元子。茲
大國殷之命。惟王受命無

疆惟休。亦無疆。惟恤。嗚呼。
曷其柰。何弗敬。天既遐。終
大邦。殷之命。茲殷多先哲。
王在天。越厥後。王後民。茲
服厥命。厥終智。歲瘵鰥在。
夫知保。抱携持。厥婦子。以

哀籲天。徂厥亡。出執。嗚呼。
天亦哀于四方民。其眷命
用懋。王其疾敬德。相古先
民有夏。天迪從子保。面稽
天若。今時既墜。厥命。今相
有殷。天迪格保。面稽天若。

今時既墜厥命。今沖子嗣則無遺壽者。曰其稽我古人之德。矧曰其有能稽謀自天。嗚呼。有王雖小。元子哉。其不能誠于小民。今休。王不敢後。用顧畏于民。若。

王來紹上帝。自服于土中。曰。其作大邑。其自時配皇天。毖祀于上下。其自時中乂。王厥有成命。治民今休。王先服殷御事。比介于我有周御事。節性惟日其

邁。王敬作所。不可不敬德。
我不可不監于有夏。亦不
可不監于有殷。我不敢知
曰。有夏服天命。惟有歷年。
我不敢知曰。不其延。惟不
敬厥德。乃早墜厥命。我不
敢知曰。有殷受天命。惟有
歷年。我不敢知曰。不其延。
惟不敬厥德。乃早墜厥命。
今王嗣受厥命。我亦惟茲
二國命。嗣若功。王乃初服。
嗚呼。若生子。罔不在厥初。

生。自貽哲命。今天其命哲。
命吉凶。命歷年。知今我初
服。宅新邑。肆惟王其疾敬
德。王其德之用。祈天永命。
其惟王勿以小民淫用非
彛。亦敢殄戮用乂民。若有
功。其惟王位在德元。小民
乃惟刑用于天下。越王顯
上下勤恤。其曰我受天命。
丕若有夏歷年。式勿替有
殷歷年。欲王以小民受天
永命。拜手稽首曰。予小臣

敢以王之讎。民百君子。越
友民。保受王威命。明德。王
未有成命。王亦顯。我非敢
勤。惟恭奉幣。用供王能祈
天永命。

洛誥

周公拜手稽首曰。朕復子
明辟。王如弗敢及天基命。
定命。予乃胤保。大相東土。
其基作民明辟。予惟乙卯
朝至于洛師。我卜河朔黎
水。我乃卜澗水東。灋水西。

惟洛食。我又卜瀍水東。亦
惟洛食。倅崩來以圖及獻
卜。王拜手稽首曰。公不敢
不敬天之休。來相宅。其作
周匹休。公既定宅。倅來。來
視予。卜休恒吉。我二人共

貞。公其以予萬億年。敬天
之休。拜手稽首。誨言。周公
曰。王肇稱殷禮。祀于新邑。
咸秩無文。予齊百工。倅從
王于周。予惟曰。庶有事。今
王即命曰。記功宗。以功作

元祀。惟命曰。汝受命篤弼。不視功載。乃汝其悉自教。工。孺子其朋。孺子其朋。其往。無若火始燄燄。炎去聲厥攸灼。叙弗其絕。厥若彛及撫事。如予。惟以在周。工往。

新邑。倅向。即有僚。明作有功。惇大成裕。汝永有辭。公曰。已。汝惟沖子。惟終。汝其敬識。百辟享。亦識其有不享。享多儀。儀不及物。惟曰不享。惟不役志于享。凡民

惟曰不享。惟事其爽侮。乃
惟孺子頌朕不暇。聽朕教
汝于隸民彛。汝乃是不覆
忙乃時惟不永哉。篤叙乃
正父罔不若予。不敢廢乃
命。汝往敬哉。茲予其明農

哉。彼裕我民。無遠用戾。王
若曰。公明保予。冲子。公稱
丕顯德。以予小子揚文武
烈。奉荅天命。和恒四方民
居師。惇宗將禮。稱秩元祀。
咸秩無文。惟公德明。光于

上下勤施于四方。旁作穆
穆。迺衡不迷。文武勤教。予
冲子夙夜。罔祀。王曰。公功
斐迪。篤罔不若時。王曰。公
予小子。其退即辟于周。命
公後。四方迪亂。未定于宗。

禮亦未克救。

美

公

功

迪

將

其後。監我士師工。誕保文
武。受民亂。為四輔。王曰。公
定。予往已。公功肅。將祗歡。
公無困哉。我惟無斁。其康
事。公勿替刑。四方其世享。

尚書卷下
三
周公拜手稽首曰。王命予
來。承保乃文祖受命民。越
乃光烈考武王。弘朕恭。孺
子來相宅。其大惇典殷。獻
民亂為四方新辟。作周恭
先。曰。其自時中。乂萬邦咸

休。惟王有成績。予旦以多
子越。御事篤前人成烈。荅
其師。作周孚先。考朕昭子
刑。乃單文祖德。俾來毖殷。
乃命寧予。以秬。巨鬯。二卣。
酉。曰。明禋。拜手稽首。休享。

予不敢宿。則禋于文王。武
 王。惠篤叙。無有遘自疾。萬
 年。厭于乃德。殷乃引考。王
 佅殷乃承叙。萬年其永觀。
 朕子懷德。戊辰。王在新邑
 烝祭歲。文王駢牛一。武王
 駢牛一。王命作冊。逸祝冊。
 惟告周公。其後。王賓殺禋
 咸格。王入大室裸。貫王命
 周公。後作冊。逸誥。在十有
 二月。惟周公誕保文武受
 命。惟七年。

多士

惟三月。周公初于新邑洛。
用告商王士。王若曰。爾殷
遺多士。弗弔。古音的昊天
大降喪于殷。我有周佑命。
將天明威。致王罰。勅殷命。

終于帝。肆爾多士。非我小
國敢弋。翼殷命。惟天不畀。
允罔固亂。弼我。我其敢求
位。惟帝不畀。惟我下民秉
為。惟天明畏。我聞曰。上帝
引逸。有夏不適逸。則惟帝

降格嚮于時。夏弗克庸帝。大淫泆。有辭。惟時天罔念。聞厥惟廢元命。降致罰。乃命爾先祖成湯。革夏俊民。甸四方。自成湯至于帝乙。罔不明德恤祀。亦惟天不

建保乂有殷。殷王亦罔敢失帝。罔不配天其澤。在今後嗣王誕罔顯于天。矧曰其有聽念于先王。勤家誕淫厥泆。罔顧于天。顯民祗惟時上帝不保。降若茲大

喪。惟天不畀。不明厥德。凡
四方小大邦喪。罔非有辭
于罰。王若曰。爾殷多士。今
惟我周王丕靈承帝事。有
命曰。割殷告勅于帝。惟我
事不貳適。惟爾王家我適。

予其曰。惟爾洪無度。我不
爾動。自乃邑。予亦念天。即
于殷大戾。肆不正。王曰。猷。
告爾多士。予惟時其遷居
西爾。非我一人奉德不康
寧。時惟天命。無違。朕不敢

有後。無我怨。惟爾知。惟殷
先人有冊。有典。殷革夏命。
今爾又曰。夏迪簡在王庭。
有服在百僚。予一人惟聽
用德。肆予敢求爾于天邑。
商。予惟率肆矜爾。非予罪。

時惟天命。王曰。多士。昔朕
來自奄。予大降爾四國民
命。我乃明致天罰。移爾遐
逝。比事。臣我宗多遜。王曰。
告爾殷多士。今予惟不爾
殺。予惟時命有申。今朕作

尚書卷下
大邑于茲洛。予惟四方罔
攸賓。亦惟爾多士攸服。奔
走臣我多遜。爾乃尚有爾
土。爾乃尚寧幹止。爾克敬。
天惟畀矜爾。爾不克敬。爾
不啻試不有爾土。予亦致
天之罰于爾躬。今爾惟時
宅爾邑。繼爾居。爾厥有幹
有年于茲洛。爾小子乃興
從爾遷。王曰。又曰。時予乃
或言爾攸居。

無逸

尚書卷下
七
周公曰。嗚呼。君子所其無逸。先知稼穡之艱難。乃逸。則知小人之依。相小人。厥父母勤勞稼穡。厥子乃不知稼穡之艱難。乃逸。乃諍。既誕。否則侮厥父母。曰。昔

之人無聞知。周公曰。嗚呼。我聞曰。昔在殷王中宗。嚴恭寅畏。天命自度。治民祇懼。不敢荒寧。肆中宗之享國七十有五年。其在高宗時。舊勞于外。爰暨小人。作

尚書卷下
七

尚書卷下
其即位。乃或亮陰三年不言。其惟不言。言乃雍。不敢荒寧。嘉靖殷邦。至于小大。無時或怨。肆高宗之享國。五十有九年。其在祖甲。不義惟王。舊為小人。作其即

位。爰知小人之依。能保惠于庶民。不敢侮鰥寡。肆祖甲之享國三十有三年。自時厥後。立王生則逸。生則逸。不知稼穡之艱難。不聞小人之勞。惟耽樂之從。自

尚書卷下
十三
時厥後亦罔或克壽。或十年。或七八年。或五六年。或四三年。周公曰。嗚呼。厥亦惟我周太王王季克自抑畏。文王卑服。即康功田功。徽柔懿恭。懷保小民。惠鮮

鰥寡。自朝至于日中。曷不遑暇食。用咸和萬民。文王不敢盤于遊田。以庶邦惟正之供。文王受命惟中身。厥享國五十年。周公曰。嗚呼。繼自今嗣王則其無淫

于觀于逸于遊于田以萬
民惟正之供無皇曰今日
耽樂乃非民攸訓非天攸
若時人不則有愆無若殷
王受之迷亂酗虛去于酒
德哉周公曰嗚呼我聞曰

古之人猶胥訓告胥保惠
胥教誨民無或胥譎舟張
為幻此厥不聽人乃訓之
乃變亂先王之正刑至于
小大民否則厥心違怨否
則厥口詛祝周公曰嗚呼

自殷王中宗及高宗及祖
甲及我周文王。茲四人迪
哲。厥或告之曰。小人怨汝
詈利汝。則皇自敬德。厥愆
曰。朕之愆。允若時。不啻不
敢含怒。此厥不聽。人乃或

譎張為幻。曰。小人怨汝。詈
汝。則信之。則若時。不永念
厥辟。不寬綽。長入聲厥心亂。

罰無罪。殺無辜。然有同。是
叢于厥身。周公曰。嗚呼。嗣
王其監于茲。

君奭

周公若曰。君奭。弗弔。

字如。

天

降喪于殷。殷既墜厥命。我有周既受。我不敢知曰。厥基永孚于休。若天棗忱。我亦不敢知曰。其終出于不

祥。嗚呼。君已曰。時我。我亦不敢寧于上帝命。弗永遠念。天威越我。民罔尤違。惟人。在我後。嗣子孫。大弗克恭。上下。遏佚前人光。在家不知。天命不易。天難諶。忱

乃其墜命。弗克經歷嗣前
人恭明德。在今予小子旦。
非克有正。迪惟前人光。施
于我沖子。又曰。天不可信。
我道惟寧。王德延。天不庸
釋于文王受命。公曰。君奭。

我聞在昔成湯既受命時。
則有若伊尹。格于皇天。在
太甲時。則有若保衡。在大
戊時。則有若伊陟。臣扈。格
于上帝。巫咸。乂王家。在祖
乙時。則有若巫賢。在武丁。

時則有若甘盤。率惟茲有
陳保乂有殷。故殷禮陟配
天。多歷年所。天惟純佑命。
則商實。百姓王人。罔不秉
德明恤。小臣屏侯甸。矧咸
奔走。惟茲惟德。稱用乂厥

辟。故一人有事于四方。若
卜筮罔不是孚。公曰。君奭。
天壽平格。保乂有殷。有殷
嗣天滅威。今汝永念。則有
固命。厥亂明。我新造邦。公
曰。君奭。在昔上帝割申勸

寧王之德。其集大命于厥
躬。惟文王尚克修和。我有
夏。亦惟有若虢叔。有若閔
天。有若散宜生。有若泰顛。
有若南宮括。又曰。無能往
來。茲迪彛教。文王蔑德降

于國人。亦惟純佑秉德。迪
知天威。乃惟時昭文王。迪
見冒。聞于上帝。惟時受有
殷命哉。武王惟茲四人。尚
迪有祿。後暨武王誕將天
威。咸劉厥敵。惟茲四人。昭

武王惟冒。丕單稱德。今在予小子旦。若游大川。予往暨汝奭其濟。小子同未位。誕無我責。收罔勛不及。耆造德不降。我則鳴鳥不聞。矧曰其有能格。公曰。嗚

呼。君肆其監于茲。我受命無疆。惟休亦大。惟艱告君。乃猷裕。我不以後人迷。公曰。前人敷乃心。乃悉命汝。作汝民極。曰。汝明勛。偶王在亶。乘茲大命。惟文王德。

丕承無疆之恤。公曰。君告
汝朕允保奭。其汝克敬。以
予監于殷。喪大否。肆念我
天威。予不允。惟若茲誥。予
惟曰。襄我二人。汝有合哉。
言曰。在時二人。天休滋至。

惟時二人弗戡。其汝克敬
德明我俊民。在讓後人于
丕時。嗚呼。篤棐時二人。我
式克至于今日休。我咸成
文王功于不怠。丕冒海隅
出日。罔不率俾。公曰。君予

尚書卷下
不惠。若茲多誥。予惟用閔
于天。越民。公曰。嗚呼。君惟
乃知民德。亦罔不能厥初。
惟其終。祇若茲。往敬用治。

蔡仲之命

惟周公位冢宰。正百工。群

叔流言。乃致辟管叔于商。
囚蔡叔于郭鄰。以車七乘。
降霍叔于庶人。三年不齒。
蔡仲克庸。祇德。周公以為
卿士。叔卒。乃命諸王邦之。
蔡。王若曰。小子胡。惟爾率

德改行。克慎厥猷。肆予命爾侯于東土。往即乃封。敬哉。爾尚盖前人之愆。惟忠惟孝。爾乃邁迹自身。克勤無怠。以垂憲乃後。率乃祖文王之彛訓。無若爾考之

違王命。皇天無親。惟德是輔。民心無常。惟惠之懷。為善不同。同歸于治。為惡不同。同歸于亂。爾其戒哉。慎厥初。惟厥終。終以不困。不惟厥終。終以困窮。懋乃攸

績睦乃四鄰。以蕃王室。以和兄弟。康濟小民。率自中。無作聰明亂舊章。詳乃視聽。罔以側言改厥度。則予一人汝嘉。王曰。嗚呼。小子胡。汝往哉。無荒棄朕命。

多方

惟五月丁亥。王来自奄。至于宗周。周公曰。王若曰。猷告爾四國多方。惟爾殷侯尹民。我惟大降爾命。爾罔不知。洪惟圖天之命。弗永

寅念于祀。惟帝降格于夏。有夏誕厥逸。不肯感言于民。乃大淫昏。不克終日。勸于帝之迪。乃爾攸聞。厥圖帝之命。不克開于民之麗。乃大降罰。崇亂有夏。因甲

于內亂。不克靈承于旅。罔丕惟進之恭。洪舒于民。亦惟有夏之民。叨憤切勅二日。欽。劓又割夏邑。天惟時求民主。乃大降顯休命于成湯。刑殄有夏。惟天不畀純。

乃惟以爾多方之義民。不克永于多享。惟夏之恭多士。大不克明保享于民。乃胥惟虐于民。至于百為。大不克開。乃惟成湯克以爾多方。簡代夏作民主。慎厥麗乃勸。厥民刑用勸。以至于帝乙。罔不明德慎罰。亦克用勸。要囚殄戮多罪。亦克用勸。開釋無辜。亦克用勸。今至于爾辟。弗克以爾多方享天之命。嗚呼。王若

曰。誥告爾多方。非天庸釋。有夏。非天庸釋。有殷。乃惟爾辟。以爾多方。大淫圖天之命。屑有辭。乃惟有夏。圖厥政。不集于享。天降時喪。有邦間之。乃惟爾商後王。

逸厥逸。圖厥政。不蠲烝。天惟降時喪。惟聖罔念作狂。惟狂克念作聖。天惟五年。須暇之子孫。誕作民主。罔可念聽。天惟求爾多方。大動以威。開厥顧天。惟爾多

尚書卷下
方。罔堪顧之。惟我周王靈承于旅。克堪用德。惟典神天。天惟式教我用休。簡畀殷命。尹爾多方。今我曷敢多誥。我惟大降爾四國民命。爾曷不忱裕之于爾多

方。爾曷不夾介乂我周王。享天之命。今爾尚宅爾宅。畋爾田。爾曷不惠王熙天之命。爾乃迪屢不靜。爾心未愛。爾乃不大宅天命。爾乃屑播天命。爾乃自作不

尚書卷下
典圖忱于正。我惟時其教
告之。我惟時其戰要囚之。
至于再。至于三。乃有不用
我降爾命。我乃其大罰殛
之。非我有周秉德不康寧。
乃惟爾自速辜。王曰。嗚呼。

猷。告爾有方多士。暨殷多
士。今爾奔走。臣我監五祀。
越惟有胥伯。小大多正。爾
罔不克臬。言入聲自作不和。

爾惟和哉。爾室不睦。爾惟
和哉。爾邑克明。爾惟克勤。

尚書卷下
乃事爾尚不忌于凶德。亦則以穆穆在乃位。克閱于乃邑。謀介。爾乃自時洛邑。尚永力畋爾田。天惟畀矜爾。我有周惟其大介。賚爾迪簡在王庭。尚爾事。有服。

在大僚。王曰。嗚呼。多士。爾不克勸忱我命。爾亦則惟不克享。凡民惟曰不享。爾乃惟逸。惟頗。坡大遠王命。則惟爾多方。探天之威。我則致天之罰。離逖爾土。王

曰。我不惟多詰。我惟祇告
爾命。又曰。時惟爾初。不克
敬于和。則無我怨。

立政

周公若曰。拜手稽首告嗣
天子王矣。用咸戒于王曰。

王左右常伯。常任。準人。綴
衣。虎賁。奔周公曰。嗚呼。休
茲。知恤鮮哉。古之人迪惟
有夏。乃有室大競。籲喻俊
尊上帝。迪知忱恂。荀于九
德之行。乃敢告教厥后。曰

尚書卷下
九
拜手稽首后矣。曰宅乃事。宅乃牧。宅乃準。茲惟后矣。謀面用丕訓德。則乃宅人。茲乃三宅無義民。桀德惟乃弗作。往任是惟暴德。罔後亦越成湯。陟丕釐上帝。

之耿命。乃用三有宅。克即宅。曰三有俊。克即俊。嚴惟丕式。克用三宅三俊。其在商邑。用協于厥邑。其在四方。用丕式。見德。嗚呼。其在受德。賢。憫惟羞刑暴德之。

人同于厥邦。乃惟庶習逸
德之人同于厥政。帝欽罰
之。乃伴我有夏。式商受命。
奄旬萬姓。亦越文王武王。
克知三有宅心。灼見三有
俊心。以敬事上帝。立民長

伯立政。任人。準夫。牧。作三
事。虎賁。綴衣。趣馬。小尹。左
右。攜僕。百司。庶府。大都。小
伯。藝人。表臣。百司。大史。尹
伯。庶常。吉士。司徒。司馬。司
空。亞旅。夷。微。盧。丞。三。亳。阪

尹。文王惟克厥宅心。乃克立茲常事。司牧人。以克俊有德。文王罔攸兼于庶言。庶獄。庶慎。惟有司之牧夫。是訓用違。庶獄。庶慎。文王罔敢知于茲。亦越武王率

惟救功。不敢替厥義德。率惟謀。從容德。以並受此丕丕基。嗚呼。孺子王矣。繼自今。我其立政。立事。準人。牧夫。我其克灼知厥若。丕乃俾亂。相我受民。和我庶獄。

庶慎時則勿有間之。自一
話一言。我則未惟成德之
彥。以乂我受民。嗚呼。予旦
已受人之徽言。咸告孺子
王矣。繼自今。文子文孫。其
勿誤于庶獄。庶慎。惟正是

乂之。自古商人。亦越我周
文王立政。立事。牧夫。準人。
則克宅之。克由繹之。茲乃
俾乂國。則罔有立政。用儉
人。不訓于德。是罔顯在厥
世。繼自今立政。其勿以儉

人。其惟吉士。用勩相我國。
 家。今文子文孫孺子王矣。
 其勿誤于庶獄。惟有司之
 牧夫。其克詰起一爾戎兵。
 以陟禹之迹。方行天下。至
 于海表。罔有不服。以覲文

王之耿光。以揚武王之
 烈。嗚呼。繼自今後王立政。
 其惟克用常人。周公若曰。
 大史司寇蘇公。式敬爾由
 獄。以長我王國。茲式有慎。
 以列用中罰。

周官

惟周王撫萬邦。巡侯甸。四
征弗庭。綏厥兆民。六服群
辟。璧罔不承德。歸于宗周。
董正治官。王曰。若昔大猷。
制治于未亂。保邦于未危。

曰。唐虞稽古。建官惟百。內
有百揆。四岳。外有州牧侯
伯。庶政惟和。萬國咸寧。夏
商官倍。亦克用乂。明王立
政。不惟其官。惟其人。今予
小子。祇勤于德。夙夜不逮。

尚書卷下
九
仰惟前代時若。訓迪厥官。立大師。大傅。大保。茲惟三公。論道經邦。燮理陰陽。官不必備。惟其人。少師。少傅。少保。曰三孤。貳公弘化。寅亮天地。弼予一人。冢宰掌

邦治。統百官。均四海。司徒掌邦教。敷五典。擾兆民。宗伯掌邦禮。治神人。和上下。司馬掌邦政。統六師。平邦國。司寇掌邦禁。詰姦慝。刑暴亂。司空掌邦土。居四民。

尚書卷下
九十六
時地利。六卿分職。各率其屬。以倡九牧。阜成兆民。六年。王平年五服一朝。聲又六年。王乃時巡。考制度于四岳。諸侯各朝于方岳。大明黜陟。王曰。嗚呼。凡我有官君子。

欽。乃攸司。慎。乃出令。令出惟行。弗惟反。以公滅私。民其允懷。學古入官。議事以制。政乃不迷。其爾典常。作之師。無以利口。亂厥官。蓄疑敗謀。怠忽荒政。不學墻

尚書卷下
九
面。莅事惟煩。戒爾卿士。功
崇惟志。業廣惟勤。惟克果
斷。乃罔後艱。位不期驕。祿
不期侈。恭儉惟德。無載爾
偽。作德心逸。日休。作偽心
勞。日拙。居寵思危。罔不惟

畏。弗畏入畏。推賢讓能。庶
官乃和。不和政厖。忙舉能
其官。惟爾之能。稱匪其人。
惟爾不任。王曰。嗚呼。三事
暨大夫。敬爾有官。亂爾有
政。以佑乃辟。永康兆民。萬

邦惟無斁。亦

君陳

王若曰。君陳。惟爾令德。孝
恭。惟孝友于兄弟。克施有
政。命汝尹茲東郊。敬哉。昔
周公師保萬民。民懷其德。

往慎乃司。茲率厥常。懋昭
周公之訓。惟民其乂。我聞
曰。至治馨香。感于神明。黍
稷非馨。明德惟馨。爾尚式
時。周公之猷訓。惟日孜孜。
無敢逸豫。凡人未見聖。若

不克見。既見聖，亦不克由
聖。爾其戒哉。爾惟風，下民
惟草。圖厥政，莫或不艱。有
廢有興，出入自爾師。虞庶
言同，則繹。爾有嘉謀嘉猷，
則入告爾后于內。爾乃順

之于外。曰：斯謀斯猷，惟我
后之德。嗚呼！臣人咸若時，
惟良顯哉。王曰：君陳，爾惟
弘周公丕訓，無依勢作威，
無倚法以削。寬而有制，從
容以和。殷民在辟，闕予曰

辟。爾惟勿辟。予曰宥。爾惟
勿宥。惟厥中。有弗若于汝
政。弗化于汝訓。辟以止辟。
乃辟。狃于姦宄。敗常亂俗。
三細不宥。爾無忿疾于頑。
無求備於一夫。必有忍。其

乃有濟。有容德。乃大簡。厥
脩。亦簡其或不脩。進厥良。
以率其或不良。惟民生厚。
因物有遷。違上所命。從厥
攸好。爾克敬典。在德。時乃
罔不變。允升于大猷。惟予

一人膺受多福。其爾之休。終有辭于永世。

顧命

惟四月哉。生魄。王不懌。甲子。王乃洮頰水。相被冕服。憑玉几。乃同召大保。奭。芮

伯。彤。伯。畢。公。衛。侯。毛。公。師。氏。虎。臣。百。尹。御。事。王曰。嗚呼。疾大漸。惟幾。病日臻。既彌留。恐不獲誓。言嗣。茲予審訓命汝。昔君文王武王。宣重光。奠麗陳教。則肆。移去

聲肄不違。用克達殷集大
 命。在後之侗。同敬迓天威。
 嗣守文武大訓。無敢昏逾。
 今天降疾。殆弗興弗悟。爾
 尚明時。朕言用敬。保元子
 釗。昭弘濟于艱難。柔遠能

邇。安勸小大庶邦。思夫人
 自亂于威儀。爾無以釗冒
 貢于非幾。茲既受命。還出
 綴衣于庭。越翼日乙丑。王
 崩。太保命仲桓。南宮毛。俾
 爰齊侯呂伋。以二千戈。虎

尚書卷下
百五
賁百人。逆子釗于南門之
外。延入翼室。恤宅宗。丁卯。
命作冊。度越七日癸酉。伯
相命士須材。狄設黼辰綴
衣。牖間南嚮。敷重篋席。黼
純。華玉仍几。西序東嚮。敷

重底席。綴純文貝仍几。東
序西嚮。敷重豐席。畫純。雕
玉仍几。西夾南嚮。敷重筍
席。玄粉純漆仍几。越玉五
重。陳寶赤刀。大訓弘璧。琬
琰。在西序。大玉。夷玉。天球。

河圖。在東序。胤之舞衣。大
貝。鼗鼓。在西房。兂之戈。和
之弓。垂之竹矢。在東房。大
輅。在賓階面。綴輅。在阼階
面。先輅。在左塾之前。次輅
在右塾之前。二人。雀弁。執

惠。立于畢門之內。四人。綦
弁。執戈。上刃。夾兩階。祀。俟

一人。冕。執劉。立于東堂。一
人。冕。執鉞。立于西堂。一
人。冕。執戣。達。立于東垂。一
人。冕。執瞿。立于西垂。一人。冕

執銳立于側階。王麻冕黼裳。由賓階。齊。卿士邦君麻冕蟻裳。入即位。大保。大史。大司馬。皆麻冕彤裳。大保承介圭。上宗奉同瑁。莫報由阼階。齊。大史秉書。由賓階。

齊御王冊命。曰。皇后憑玉几。道揚末命。命汝嗣訓。臨君周邦。率循大卞。燮和天下。用答揚文武之光訓。王再拜興。答曰。眇眇予末小子。其能而亂四方。以敬忌

天威。乃受同瑁。王三宿三

祭。三咤。

陟嫁切

上宗曰饗。犬

保受同。降盥。以異同秉璋

以酢。授宗人同拜。王荅拜。

犬保受同祭。濟。

齊去聲

宅。授

宗人同拜。王荅拜。犬保降。

收。諸侯出廟門俟。

康王之誥

王出在應門之內。犬保率

西方諸侯入應門左。畢公

率東方諸侯入應門右。皆

布乘黃朱。賓稱奉圭兼幣。

曰一二臣衛敢執壤奠。皆
再拜稽首。王義嗣德。荅拜。
大保暨芮伯咸進相揖。皆
再拜稽首。曰敢敬告天子。
皇天改大邦殷之命。惟周
文武誕受。美若克恤西土。

惟新陟王。畢協賞罰。戡定
厥功。用敷遺後人。休。今王
敬之哉。張皇六師。無壞我
高祖寡命。王若曰。庶邦侯
甸男衛。惟予一人釗報誥。
昔君文武丕平富。不務咎。

尚書卷下
底至齊信用昭明于天下。則亦有能罷之士。不二心之臣。保乂王家。用端命于上帝。皇天用訓厥道。付畀四方。乃命建侯樹屏。在我後之人。今予一二伯父。尚

胥暨顧。綏爾先公之臣。服于先王。雖爾身在外。乃心罔不在王室。用奉恤厥若。無遺鞠子羞。羣公既皆聽命。相揖趨出。王釋冕。反喪服。

尚書卷下
三十一
畢命

惟十有二年。六月庚午。朏
匪越三日壬申。王朝步自
宗周。至于豐。以成周之衆。
命畢公保釐東郊。王若曰。
嗚呼。父師。惟文王武王敷

大德于天下。用克受殷命。
惟周公左右先王。綏定厥
家。秘殷頑民。遷于洛邑。
密邇王室。式化厥訓。既歷
三紀。世變風移。四方無虞。
予一人以寧。道有升降。政

由俗革。不減厥減。民罔攸
勸。惟公懋德。克勤小物。弼
亮四世。正色率下。罔不祇
師言。嘉績多于先王。予小
子垂拱仰成。王曰。嗚呼。父
師。今予祇命公以周公之

事。往哉。旌別淑慝。表厥宅

里。彰善癉

丁但切

惡。樹之風

聲。弗率訓典。殊厥井疆。俾
克畏慕。申畫郊圻。慎固封
守。以康四海。政貴有恒。辭
尚體要。不惟好異。商俗靡

尚書卷下
靡利口。惟賢。餘風未殄。公其念哉。我聞曰。世祿之家。鮮克由禮。以蕩陵德。實悖天道。敝化奢麗。萬世同流。茲殷庶士。席寵惟舊。怙侈滅義。服美于人。驕淫矜侈。

詩
將由惡終。雖收放心。閑之惟艱。資富能訓。惟以永年。惟德惟義。時乃大訓。不由古訓。于何其訓。王曰。嗚呼。父師。邦之安危。惟茲殷士。不剛不柔。厥德允脩。惟

周公克慎厥始。惟君陳克
和厥中。惟公克成厥終。三
后協心。同底于道。道洽政
治。澤潤生民。四夷左衽。罔
不咸賴。予小子永膺多福。
公其惟時成周建無窮之
基。亦有無窮之聞。子孫訓
其成式。惟乂。嗚呼。罔曰弗
克。惟既厥心。罔曰民寡。惟
慎厥事。欽若先王成烈。以
休于前政。

君牙

王若曰。嗚呼。君牙。惟乃祖
乃父。世篤忠貞。服勞王家。
厥有成績。紀于太常。惟予
小子。嗣守文武成康遺緒。
亦惟先正之臣。克左右亂
四方。心之憂危。若蹈虎尾。

涉于春冰。今命爾予翼。作
股肱心膂。旅績乃舊。服無
忝祖考。弘敷五典。式和民
則。爾身克正。罔敢弗正。民
心罔中。惟爾之中。夏暑雨。
小民惟曰怨咨。冬祁寒。小

尚書卷下
民亦惟曰然咨。厥惟艱哉。思其艱以圖其易。民乃寧。嗚呼。丕顯哉。文王謨。丕承哉。武王烈。啓佑我後人。咸以正罔缺。爾惟敬明。乃訓用奉。若于先王。對揚文武之光命。追配于前人。王若曰。君牙。乃惟由先正舊典。時式。民之治亂在茲。率乃祖考之攸行。昭乃辟之有又。

罔命

尚書卷下
王若曰。伯罔。惟予弗克于
德。嗣先人宅丕后。怵惕惟
厲。中夜以興。思免厥愆。昔
在文武。聰明齊聖。小大之
臣。咸懷忠良。其侍御僕從。
罔匪正人。以旦夕承弼厥

辟。出入起居。罔有不欽。發
號施令。罔有不臧。下民祇
若。萬邦咸休。惟予一人無
良。實賴左右前後有位之
士。匡其不及。繩愆糾謬。格
其非心。俾克紹先烈。今予

命汝作大正。正于羣僕侍御之臣。懋乃后德。交修不逮。慎簡乃僚。無以巧言令色。便辟關側媚。其惟吉士。僕臣正。厥后克正。僕臣諛。厥后自聖。后德惟臣。不德

惟臣。爾無昵于憸人。克耳目之官。迪上以非。先王之典。非人其吉。惟貨其吉。若時瘝厥官。惟爾大弗克祗厥辟。惟予汝辜。王曰。嗚呼。欽哉。永弼乃后于彛憲。

呂刑

惟呂命。王享國百年。耄荒。度作刑以詰起一四方。王曰。若古有訓。蚩尤惟始作亂。延及于平民。罔不寇賊。鴟義。姦宄。奪攘矯虔。苗民

弗用靈制。以刑。惟作五虐

之刑。曰法。殺戮無辜。爰始

淫為劓刑。則而去。椽椽。黥

擊。越茲麗刑。并制。罔差有

辭。民興胥漸。泯泯焚焚。分

罔中于信。以覆詛盟。虐威

庶戮。方告無辜于上。上帝
監民。罔有馨香德。刑發聞
惟腥。皇帝哀矜庶戮之不
辜。報虐以威。遏絕苗民。無
世在下。乃命重黎。絕地天
通。罔有降格。羣后之逮在

下。明明。棐常。鰥寡無蓋。皇
帝清問下民。鰥寡有辭于
苗。德威惟畏。德明惟明。乃
命三后。恤功于民。伯夷降
典。折民惟刑。禹平水土。主
名山川。稷降播種。農殖嘉

穀。三后成功。惟殷于民。士
制百姓于刑之中。以教祇
德。穆穆在上。明明在下。灼
于四方。罔不惟德之勤。故
乃明于刑之中。率乂于民
棐彛。典獄非訖于威。惟訖

于富。敬忌罔有擇言在身。
惟克天德。自作元命。配享
在下。王曰。嗟四方司政典
獄。非爾惟作天牧。今爾何
監。非時伯夷播刑之迪。其
今爾何懲。惟時苗民匪察

尚書卷下
于獄之麗。罔擇吉人。觀于
五刑之中。惟時庶威奪貨。
斷制五刑。以亂無辜。上帝
不蠲降咎于苗。苗民無辭
于罰。乃絕厥世。王曰。嗚呼。
念之哉。伯父伯兄。仲叔季

弟。幼子童孫。皆聽朕言。庶
有格命。今爾罔不由慰。日

勤。

日字古
註作曰

爾罔或戒不勤。

天齊于民。俾我一日。非終
惟終。在人。爾尚敬逆天命。
以奉我一人。雖畏勿畏。雖

尚書卷下
三十一
休勿休。惟敬五刑。以成三德。一人有慶。兆民賴之。其寧惟永。王曰。吁。來。有邦有土。告爾祥刑。在今爾安百姓。何擇非人。何敬非刑。何度非及。兩造具備。師聽五

辭。五辭簡孚。正于五刑。五刑不簡。正于五罰。五罰不服。正于五過。五過之疵。惟官。惟反。惟內。惟貨。惟來。其罪惟鈞。其審克之。五刑之疑有赦。五罰之疑有赦。其

尚書卷下
審克之。簡孚有衆。惟貌有稽。無簡不聽。具嚴天威。墨辟疑赦。其罰百鍰。環閱實其罪。劓辟疑赦。其罰惟倍。閱實其罪。非去聲辟疑赦。其罰倍差。閱實其罪。宮辟。

疑赦。其罰六百鍰。閱實其罪。大辟疑赦。其罰千鍰。閱實其罪。墨罰之屬千。劓罰之屬千。剕罰之屬五百。宮罰之屬三百。大辟之罰。其屬二百。五刑之屬三千。上

下比罪。無僭亂辭。勿用不行。惟察惟法。其審克之。上刑適輕。下服。下刑適重。上服。輕重諸罰。有權。刑罰世輕世重。惟齊非齊。有倫有要。罰懲非死。人極于病。非

佞折獄。惟良折獄。罔非在中。察辭于差。非從惟從。哀敬折獄。明啓刑書。胥占。咸庶中正。其刑其罰。其審克之。獄成而孚。輸而孚。其刑上備。有弁兩刑。王曰。嗚呼。

敬之哉。官伯族姓。朕言多懼。朕敬于刑。有德惟刑。今天相民。作配在下。明清于單辭。民之亂。罔不中聽。獄之兩辭。無或私家于獄之兩辭。獄貨非寶。惟府辜功。

報以庶尤。永畏惟罰。非天不中。惟人在命。天罰不極。庶民罔有令政。在于天下。王曰。嗚呼。嗣孫。今往何監。非德于民之中。尚明聽之哉。哲人惟刑。無疆之辭。屬

燭于五極。咸中有慶。受王嘉師。監于茲祥刑。

文侯之命

王若曰。父義和。丕顯文武。克慎明德。昭升于上。敷聞在下。惟時上帝集厥命于

文王。亦惟先正克左右。昭

事厥辟。

璧

越小大謀猷。罔

不率從。肆先祖懷在位。嗚

呼。閔于小子。嗣造天丕愆

殄資澤于下民。侵戎我國

家純。即我御事。罔或者其

尚書卷下
壽俊在厥服。予則罔克。曰
惟祖惟父。其伊恤朕躬。嗚
呼。有績予一人。永綏在位。
父義和。汝克昭乃顯祖。汝
肇刑文武。用會紹乃辟。追
孝于前文人。汝多修扞我

于艱。若汝予嘉。王曰。父義
和。其歸視爾師。寧爾邦。用
賚爾秬鬯一卣。彤弓一。彤
矢百。盧弓一。盧矢百。馬四
匹。父往哉。柔遠能邇。惠康
小民。無荒寧。簡恤爾都。用

成爾顯德。

費誓

公曰。嗟。人無譁。聽命。徂茲

淮夷。徐戎並興。善敷聊乃

甲冑。敵驕上乃干。無敢不

弔。的備乃弓矢。鍛端去乃

戈矛。礪乃鋒刃。無敢不善。

今惟淫舍牯工入牛馬。杜

乃撲。化欽乃協乃穿。在性

無敢傷牯。牯之傷。汝則有

常刑。馬牛其風。臣妾逋逃。

勿敢越逐。祗復之。我商賚

汝乃越逐不復。汝則有常刑。無敢寇攘。踰垣墻竊馬牛。誘臣妾。汝則有常刑。甲戌。我惟築。無敢不供。汝無敢不逮。汝則有大刑。魯人三郊三遂。峙乃楨貞榦。甲戌。我惟築。無敢不供。汝則有無餘刑。非殺魯人三郊三遂。峙乃芻茭。交無敢不多。汝則有大刑。

秦誓

公曰。嗟我士。聽無譁。予誓

尚書卷下
告汝羣言之首。古人有言
曰。民訖自若。是多盤。責人
斯無難。惟受責。俾如流。是
惟艱哉。我心之憂。日月逾
邁。若弗云來。惟古之謀人。
則曰。未就予忌。惟今之謀

人。姑將以為親。雖則云然。

尚猶詢茲黃髮。則罔所愆。

番番波良士。旅力既愆。我

尚有之。佗佗欣入勇夫。射

御不違。我尚不欲。惟截截

善諛辯言。俾君子易辭。我

皇多有之。昧昧我思之。如有一介臣。斷斷猗。無他技。其心休休焉。其如有容。人之有技。若已有之。人之彥聖。其心好之。不啻如自其口出。是能容之。以保我子

孫黎民。亦職有利哉。人之有技。冒疾以惡之。人之彥聖而違之。俾不達。是不能容。以不能保我子孫黎民。亦曰殆哉。邦之杌兀隍。言入聲曰由一人。邦之榮懷。亦

尚一人之慶。

尚書卷下終



